



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

§. 1. De diversitate, excellentiâ, & Institutione Baptismi.

[urn:nbn:de:hbz:466:1-62040](#)

tes nullâ contactûs comminaculatione contaminantur, sic multò magis Sacra-
menta nullâ ministri feditate maculan-
tur. Et definivit Trident. Sess. 7. de Sacra-
ment. in genere. can. 12. his verbis : Si
quis dixerit ministrum in peccato mortali
existenter, modo omnia essentialia, qua
ad Sacramentum conficiendum aut confe-
rendum pertinent, servaverit, non confi-
cere aut conferre Sacramentum, anathema
ma sit.

Quæres nono. Qualis in ministro re-
quiritur intentio? Debet ministri & Ec-

clesia concors esse intentio, ideo si aliud
agere intendat, puta : sacris illudere
Mysteriis, aut aliud, quod Ecclesiæ non
consentiat, nihil agit, quanvis enim
sine fide spiritualis potestas exerceri va-
leat, non tamen sine intentione Ecclesiæ.

Quæres decimo. An omnia Sacra-
menta conferant gratiam? &c. Omnia in non
ponentibus obicem. Definivit Trident.
cit. Sess. 7. can. 6. 7. & 8. Ac ita reproba-
ta est opinio Glossæ in can. 12. q. 2. dist. 23.
verbo : pro beneficiis. & in can. honoreu-
tior. can. 13. q. 2. verbo : dispensata.

TITULUS SECUNDUS

DE

BAPTISMO

EX ipsis propemodum verbis Cano-
num explicabimus §. 1mo diversi-
tatem, excellentiam & institu-

tionem Baptismi, §. 2do essentialia. Et §.
3to ceremonias Ecclesiæ in administra-
tione Baptismi adhiberi solitas.

§. Primus.

DE

Diversitate, Excellentia & Institutione Baptismi.

QUæres primo. Quotuplex est Baptis-
mus? &c. cum glossa in can. simissi-
mè. 3. caus. 15. q. 1. est triplex: Baptis-
mus fluminis, flaminis & sanguinis. Id
est: Sacramentum Baptismi, contritus,
& martyrium.

Quæres secundo. Quomodo marty-
rium est Baptismus? &c. Baptismi vicem
implet passio. Can. Baptismi. 34. dist. 4.

de consecrat. In illis, qui pro Christi no-
mine suo sanguine baptizantur. Can. fir-
missimè. 3. caus. 15. q. 1. dummodò adsit
charitas, sine qua non sufficit ad salutem
subire martyrium. Gloss. in cit. can. fir-
missimè. verb. per Baptismum. Carens
charitatis talis est macula, quæ nec san-
guine abluitur. Can. neque. 3. dist. 90.
Comparatio martyrii cum Baptismo fit

I i 2

in



in can. Catechumenum. 37. dist. 4. de consecrat. In Martyrio tota Baptismi Sacra-
menta complentur, baptizandus confi-
tetur fidem suam, & interrogatus respon-
det, hoc & Martyr coram perse-
cutore facit, qui & confitetur fidem
suam, & interrogatus responderet.
Ille post confessionem vel aspergi-
tur aqua vel intingitur, & hic vel asper-
gitur sanguine vel contingitur igne. Ille
manus impositione Pontificis accipit
Spiritum Sanctum, hic habitaculum esti-
citur Spiritus Sancti, dum non est ipse,
qui loquitur, sed Spiritus Patris, qui
loquitur in illo. Ille communicat Eucha-
ristiae in commemoratione mortis Do-
mini, hic ipsi Christo commoritur. Ille
confitetur se mundi actibus renuntiatu-
rum: hic ipsi renuntiat vita. Illi peccata
omnia remittuntur: in isto extinguntur.

Quæres tertio. Quomodo contritio
habet rationem Baptismi? *R.* Non tan-
tum passio pro nomine Christi id, quod
ex Baptismo deerat, potest supplere, sed
etiam fides conversioque cordis, si forte
ad celebrandum mysterium Baptismi in
angustiis temporum succurri non potest.
Can. Baptismi. 34. dist. 4. de consecrat.
Ideoque de Judæo inter solos Judæos
existente, qui in mortis articulo se ipsum
in aquam immerserat, dicendo: Ego me
baptizo in nomine &c. *in cap. debitum. 4.*
de Baptismo. dicitur: *Quod si talis conti-
nuo discessisset, ad cœlestem Patriam pro-
tinus evolâisset, propter Sacramenti fidem,*
etsi non propter fidei Sacramentum. Ge-
nerale hoc est, quod tunc solùm prospicit
Baptismus sanguinis & flaminis, cùm
Baptismum fluminis non contemptus

Religionis, sed articulus necessitatis ex-
cludit. *Cit. can. Baptismi.*

Quæres quarto. Quid est Sacra-
mentum Baptismi? *R.* Est visibile Sacra-
mentum aquæ ad ablutionem visibilis Cor-
poris, & sanctificationem invisibilis Ani-
mæ. *Can. necessarium. 1. dist. 4. de conse-
crat.* Sive: est ablution corporis exterior,
quæ adhibita certa verborum formâ in-
teriorum animæ ablutionem significat &
operatur; hæc enim duo in Sacramento
Baptismi necessariò requiruntur, vide-
licet verbum & elementum, juxta quod
de verbo Veritas ait: *Euntes in mundum
universum predicate Evangelium omni
creature.* *Baptizate omnes gentes in no-
mine Patris, & Filii, & Spiritus Sancti;*
cadémque dicit de elemento: *Nisi quis
renatus fuerit ex aqua Unde dubitan-
dum non est, illos verum non habere
Baptismum, in quibus non solùm utrum-
que prædictorum, sed eorum alterum
est omissum.* *Cap. non ut apponeres. 5. de
Baptismo.*

Quæres quinto. Quibus nominibus ap-
pellatur Baptismi Sacramentum? *R.* Di-
citur *1mo* Sacramentum fidei, quia im-
primis in fide Christi consecrat, &
in fide Ecclesiæ conficitur, deinde in
nomine Sanctissimæ Trinitatis confer-
tur. *3to* signum est, quod suscipiens
habeat fidem scilicet vel actu vel habitu.
*Glossa in can. nihil. 76. dist. 4. de conse-
crat.* *4to* appellatur primætabula, & pa-
nitentia secunda tabula, quia inter pro-
cellas hujus mundi navigamus, ten-
dentes ad patriam, & incurrimus nau-
fragium ex peccato primo hominis, quo
morte addicti sumus, sicut igitur prima-

ta-



tabula est navis, secunda tabula est lachryma, quâ in naufragio periculum vitamus, ita prima tabula est Baptismus, ubi purgatur vetus homo, & induitur novus, secunda tabula est poenitentia, quâ post Baptismum resurgimus. *Can. secunda.* 72. *dist. 1. de pœnitentia.* *juncta glossa.* *3to* dicitur fundamentum & janua reliquorum Sacramentorum. *cap. 2. de cognat. Spirit. in 6.* quia reliquis Sacramentis omnibus prior est, & magis necessarius.

Quæres sexto. Quæ dignitas hujus Sacramenti? *q. Prærogativæ præ reliquis Sacramentis sunt:* 1^{mo} est janua salutis. *can. cum itaque.* 112. *dist. 4. de consecrat. infine.* 2^{do}. Baptismus potest suscipi sine aliis Sacramentis, ast non alia Sacra-
menta sine Baptismo, quoniam ubi fundamen-
tum non est, superædificari non po-
test. *Cap. veniens.* 3. *de Presbyt non bapti-
zato.* *3to.* Potest à quoque dari
Baptismus, non autem alia Sacra-
menta. Sive Hæreticus, sive Schismaticus, sive
facinorosus quisque in confessione San-
ctissimæ Trinitatis baptizat, validè bapti-
zat. *Can. sive.* 51. *dist. 4. de consecrat.*
4^{to}. Per Baptismi virtutem omnia pec-
cata, originale, mortale & veniale re-
mittuntur, non per reliqua Sacra-
menta. Regenerante Spiritu non solum originale-
lum, sed etiam voluntariorum fit remis-
sio peccatorum. *Can. regenerante.* 136.
dist. 4. de consecrat.

Quæres septimo. Quomodo differt Sacra-
mentum Baptismi à Baptismo Joannis?
q. Sacramentum Baptismi non est in
aqua tantum, verùm etiam in Spiritu
Sancto, ut de illo Spiritu regeneretur,
quisquis in Christum credit, de quo
Christus regeneratus regenerationem

non cognovit. Non regenerabantur, qui Baptismo Joannis baptizabantur, sed quodam Praecursoris illius ministerio, qui dicebat: parate viam Domino, huic uni, scilicet Sacramento Baptismi, in quo solo renasci poterant, parabantur. *Can. non regenerabantur.* 135. *dist. 4. de consecrat.* *Trid. Sess. 7. de Baptismo. can. 1.* Baptismum Joannis habuisse eandem vim cum Baptismo Christi dicentes anathematizat.

Quæres octavo. Quandonam Baptismus institutus? *q. Concordandæ sunt sententiæ, quas refert Glossa in can. ex quo.* 6. *dist. 4. de consecrat. verb. ad innovationem.*

1^{mo}. Materiam Baptismi Christus consecravit, quando à Joanne in Jordane baptizatus est; quare enim *Christus descendit in aquam, nisi ut caro ista mundaretur, caro, quam suscepit de nostra conditione, non enim ablutio peccatorum suorum Christo necessaria erat, qui peccatum non fecit, sed nobis erat necessaria, qui peccato manemus obnoxii.* *Can. per aquam.* 9. *dist. 4. de consecrat.* “Nunquam aquæ Baptismi purgare peccata credentium potuerint, nisi tactu Domini corporis sanctificatæ fuissent.” *cit. can. nunquam.* 10. *dist. 4. de consecrat.* “In aqua igitur baptizari voluit à Joanne, non ut ejus iniquitas ulla deleretur, sed ut magna commendaretur humanitas, ita quippe nihil in eo Baptismus habuit, quod ablueret, sicut mors nihil, quod puniret, invenit.” *cit. can. non regenerabantur.*

2^{do}. Necesritatem Baptismi Christus annuntiavit, dum Nicodemo dixit: *Nisi quis renatus fuerit ex aqua &c.* *3to.*



3to. "Efficaciam Baptismo in morte
"dedit, quia tunc regenerationis poten-
"tiam sanxit, quando de latere ipsius
"profluxerunt sanguis redēptionis &
"aqua baptismatis." *Can. si quis. 14.*
dist. 4. de consecrat.

4to. "Postquam resurrexit a mortuis,
"Discipulis suis, in quibus omnes Ec-
"clesiarum Præsules docebantur, & for-
"mam & potestatem tradidit baptizandi,
"dicens: Euntes docete omnes gentes,
"baptizantes eos in nomine &c. de quo
"utique potuisset eos ante passionem in-
"struere, nisi propriè voluisset intelligi
"regenerationis gratiam ex resurrectio-
"ne cœpisse." *Can. propriè. 13. dist. 4.*
de consecrat.

5to. Baptismus in festo Pentecostes
promulgatus est: "quia eo die, quo om-
"nium Credentium numerum promissus
"Spiritus Sancti replevit adventus,
"trium millium populorum suâ prædi-
"catione conversum lavaçtro baptisma-
"tis consecravit S. Petrus promulgans
"pœnitentiam agite, & baptizetur unus-
"quisque vestrum in nomine JESU
"Christi in remissionem peccatorum, &
"accipietis donum Spiritus Sancti."
Cit. can. propriè.

Quæres nono. Quis baptizat principa-
"litet? *¶*. Christus instituens hoc Sacra-
"mentum; "Aliud est enim baptizare per
"ministerium, aliud baptizare per po-
"testatem, hanc potestatem Christus so-
"lus tenuit, & in neminem ministrorum
"transfudit, quamvis per ministros suos
"baptizare dignatus sit." *Can. aliud. 39.*
dist. 4. de consecrat. "Quos baptizavit
"Joannes, Joannes baptizavit, quos

"autem baptizavit Judas, Christus
"baptizavit: sic ergo quos baptizavit
"ebrius, quos baptizavit homicida,
"quos baptizavit adulter, si Baptis-
"ma Christi erat, Christus bapti-
"zavit, quod Sacramentum tam
"sanctum est, ut nec homicidâ mi-
"nistante polluitur." *Can. dedit. 46.*
caus. 1. q. 1.

Quæres decimo. Quibus Sacramentis
ante Legem Evangelicam usitatis corre-
spondet Baptismus? *¶*. In tempore ante
legem parvuli in fide parentum, adulti
in fide Sacrificiorum à peccatis munda-
bantur, in tempore legis adulti & par-
vuli per circumcisionem iustitiam conse-
quebantur; "Quod igitur apud nos va-
"let aqua baptismatis, hoc egit apud
"veteres, vel pro parvulis sola fides, vel
"pro majoribus sola virtus sacrificii, vel
"pro his, qui de Abrahæ stirpe prodi-
"runt, mysterium circumcisionis."
Can. quod autem. 5. dist. 4. de consecrat.
juncta gloss.

Quæres undecimo. In quo Baptismus
antecellit circumcisionem? *¶*. "Plus
"hodiè confert Baptismus Christianis,
"quam quandam contulit circumcisio
"Judaïs, quoniam etsi originalis culpa
"remittebatur per circumcisionis myste-
"rium, & damnationis periculum vitaba-
"tur, non tamen perveniebatur ad Re-
"gnum cœlorum, quod usque ad mor-
"tem Christi fuit omnibus obseratum,
"sed per Sacramentum Baptismi Christi
"sanguine rubricati culpa remittitur,
"vitatur periculum, & ad Regnum cœ-
"lorum statim pervenitur, cuius ja-
"nuam Christi Sanguis fidelibus suis
"mi-

“misericorditer referavit.” Cap. majo-
res. 3. de Baptismo.

Quæres duodecimo. Quanta Baptismi
necessitas? R. Haec constat ex dicto S. Au-
gustini in can. firmissimè. 3. dist. 4. de con-
secrat. “Firmissimè tene, & nullatenus
dubites, non solum homines ratione
utentes, verum etiam parvulos, qui
sive in utero matris vivere incipiunt,
& ibi moriuntur: sive cum de matri-
bus nati sine Sacramento sancti Baptis-

“matis, quod in nomine Patris, & Filii,
& Spiritus Sancti datur, de hoc Saeculo
transiunt, sempiterno igne punien-
dos: quia etsi propriæ actionis nullum
peccatum habuerunt, originalis tamen
peccati damnationem conceptione &
naturâ traxerunt.” Ideo Trid. Seff. 7.
can. 5. de Baptismo: Si quis dixerit Ba-
ptismum liberum esse, hoc est: non nece-
sarium ad salutem, anathema sit.

§. Secundus.

DE

Essentialibus Baptismi.

Quæres primo. Quænam Essentialia
Baptismi? R. Illa brevibus com-
plectitur Innocent. III. in cap. firmiter. 1.
de sum. Trinitate. §. una vero. Sacra-
mentum Baptismi, quod ad Dei invocatio-
nem & individuæ Trinitatis, videlicet
Patris, & Filii, & Spiritus Sancti con-
secratur in aqua, tam parvulis, quam
adultis in forma Ecclesiæ à quounque
ritè collatum proficit ad salutem.

Quæres secundo. Quæ materia remo-
ta Baptismi? R. Est aqua elementalis.
Renascitur homo ex aqua, visibili Sa-
cramento, & Spiritu invisibili intelle-
ctu, ut signum Baptismi visibiliter ac-
cipiat, & spiritalem intellectum ipsius
Symboli perficiat. Can. necessarium.
1. dist. 4. de consecrat. Ideo ad quæstio-
nem: An parvuli sint pro Christianis ha-
bendi, quos in articulo mortis propter
aqua penuriam & absentiam Sacerdotis,

aliquorum simplicitas in caput & pectus
ac inter scapulas pro Baptismo salivæ con-
spersione lenivit, respondit Innocentius
IV. negativè, quia in Baptismo duo sem-
per, videlicet verbum & elementum,
id est. aqua, necessariò requiruntur.
Hinc Trid. Seff. 7. can. 2. de Baptis. Si quis
dixerit, aquam veram & naturalem non
esse de necessitate Baptismi, anathema sit.

Quæres tertio. Quæ materia proxima?
R. Ablutio, quæ an per immersiōnem,
ita, ut ipse baptizandus aquæ im-
mergatur, an per affusionem sive asper-
sionem fiat, ut nimis aqua affunda-
datur ipsis baptizando, perinde est, non
una olim fuit, nec hodie est omnium
Ecclesiarum disciplina, quæ diversitas
unitati Ecclesiæ non officit, quia in una
fide nihil officit sanctæ Ecclesiæ consue-
tudo diversa. Can. de Trina. 8. dist. 4. de
consecrat. Nam

imo.

